

Агитатормудин кӧдлмш ясрв

Одгӧ цагт Яшкульск района кӱч-кӧлсчнр дунд кегддг политическ цӧӧлгъврн кӧдлмш темдгтӧгъӧр ясрв. Ода 200 шаху агитатормуд кӧдлдж йовцхана.

Олн-ӧмтнӧ заргъ сунъгългъна белдврт районд 7 агит-пункт бӱрдси, олн дунд кедг кӧдлмшӧн агитатормуд зӧвӧр ясрулв, кӱӱндвр келгън, газет умшдж ӧглгън делгӱ кегддг болв.

Сунъгъвр давси бийнъ агит-пунктсин шамнъ унтрджакш. Асхн болгън энӱнд ӧмтн цуглрдж, доклад, лекц сонъсцхана.

Зуг сӱӱлин цагин эргид агитатормуд 700 шаху кӱӱндвр кесн, терӱнднъ 6000 шаху сонъсачнр орлцв. Кӱӱндвр келгънд Советин Союзин ӧслтин, Коммунистическ болн кӧдлмшч партъсин совещанъсин декларацин болн Тӧвкнӱн бӧӧлгънӧ Манифестин, района эдл-ахун ӧслтин туск тӧрмӱд тӧвгдв.

Агитатормуд болдж багшнр, эмчнр 80 кӱн, селӧнӧ эдл-ахун 41 специалистнр, кӧдлмшин ӧмн нӱӱрт йовх 39 кӱн кӧдлджӧнӧ. 70 гар агитатормуд

хальмгуд эврӧ тӧрскн келӧри цӧӧлгъвр кенӧ.

КПСС-н района комитет агитатормудин кӧдлмш гардлгънг ясрулдж бӧӧнӧ. Агитатормудин совещанъ райогъар 13-14 дакдж кегддж, хойр дакдж агитатормудин райони хург цуглрв, хойр кустовой семинар болв, агитатор улст консультац таслвр угагъар ӧггднӧ.

Йилгъӱ килмджӧн тӧвдж политическ цӧӧлгъврн кӧдлмш кеджӧх олн агитатормуд заадж болхми. „Лиманный“ совхозин агитатормуд цӧӧлгъврӧн совхозин производственн зура кӱцӧлгънлӧ залгъдж кенӧ, тегӧд совхозин кӧдлмшт му биш диилвр бӧӧнӧ: махна зура 104 процент, ноосна зура 105 процент кӱцӧгдв, хӧн болгънас 5,9 килограмм ноосн авгдв. Совхоз 1957 джил-иг ик олзта тӧгсӧв.

Ода района партийн комитет болн эклц партийн организац политическ цӧӧлгъврн кӧдлмшин кирцӧгъинъ улм ӧӧдлӱдж, цааранднъ гӱӱнӧр делгрӱлхиг теткхин тӧлӧ кӧдлджӧцхӧнӧ. **Т. КИЧИКОВ.**